

鞏縣志卷之四

鞏縣知縣李述武纂修

山川志

古書志山者莫古於山海經志水者莫詳於水經注
府志既仿二書志山川矣鞏邑山在南者與嵩對峙
而支幹自分在北者與邛連體而主名各別故標南
北山以經諸山治以西水盡入洛治以東水或入洛
以入河或徑入於河故標河洛以經諸水體例紀載
一仍施府志而稍加詳焉志山川

鞏南山

鞏縣志

第一冊 卷之四 山川

三

鞏南山之首曰鞏轅山

明史地理志鞏縣西南有鞏轅山上有關

方輿紀要鞏轅山在鞏縣西南九十里其坂有十二

曲將去復還故名 左傳襄二十一年晉欒黶奔楚

過周王使侯出諸鞏轅註今河南府鞏縣西南有鞏

鞏山

按後漢地理志以鞏轅屬偃師晉地理志以鞏轅
屬登封惟明史及方輿紀要春秋彙纂以為屬鞏
縣蓋鞏轅有古今兩道今道易在西隸偃古道險
在東隸鞏兩道交處隸登封山傍古道則全入鞏

鞏轅東十里曰講山

山海經講山其上多玉多栴多栢有木焉名曰赤崖

秦代始開... 實可以... 郭注及傳... 下... 山

疏府志講山西接鞞鞞東走浮戲南與太室隔洛澗

谷呼瓦屋川北下有洞俗呼百葉洞

按講山及後嬰梁郭注雖未指名鞞山然以經文考之自少室以東所次道里方位二山當在鞞縣

講山西北十里曰九山

永經注九山一名百稱山其山孤峯秀出巉峽分立

伸長統曰昔客有卜城者身遊九山之上放心不拘

之境謂是山也山際有九山廟碑云九顯靈府君者

太華之元子陽九列名號曰九山府君也南據嵩岳

北帶洛澗又有百蟲將軍廟碑云將軍姓伊氏諱空

鞞縣志

第一册

卷之四 山川

美

字隲數帝高陽之第二子伯益也

按九山廟碑金石攷以為在登封據府志九山今名白雲山在鞞縣西南七十里有舊山廟坡蓋九舊音轉也更以碑文推之南據嵩岳北帶洛澗若在登封則與洛澗尚隔數山亦確又九山東有嶺曰搖嶺舊志以為宋置鐵冶於此九山西北有臺即晉嵇含隱處有偃師西臺南般人圍丘今為臺六莊九山抵洛澗為禹封鄩城今羅莊

講山北迤西十里曰牛山

宣元明嵩高記太室後有小山名牛山其中多杏

按講山北嬰梁山北與霍山接體而牛山不見山海經府志雖疑即牛首而未嘗確指故但取嵩高記牛山而嬰梁則次霍山下

講山東十五里接開封界曰焉感山 即方山府志一

名五
枝嶺

〔山海經〕浮戲之山有木焉名曰亢木泚水出焉而北

流注於河其東有谷名蛇谷上多少辛郭注少辛細

辛也〔水經注〕羅水出方山注洛水方山即山海經所

謂浮戲之山也注洧水

〔施府志〕泚水出浮戲東麓羅水出浮戲西麓

按鞏西南山西界休水東北界羅水其中但有諸山等四山餘則連體浮戲綿亘鞏地大半

浮戲北二十里曰霍山一名天陵山亦曰東西青龍山

〔山海經註〕今平陽永安縣廬江瀋縣晉安羅江縣河

南鞏縣皆有霍山爾雅大山繞小山為霍〔方輿紀

鞏縣志

第一冊

卷之四

山川

七

要青龍山在鞏縣南四十里以在宋陵東得名

〔施府志〕浮戲北有雙峯高峙俗呼盤龍巖尖西北為

西青龍與東青龍異山合體中有慈雲寺寺前龍潭

北流為石子河西青龍有石人峰登峰見山脊環繞

如高墉中列數十峰皆攢秀獻奇于足下所謂大山

繞小山為霍也西卸北走為小青龍山盡處為牛頭

山真宗陵在其後徐仁旺與丁謂所爭牛頭山前後

即此非太祖太宗陵南之牛山宋史禮志又謂之野

龍岡在永安縣東北六里岡北下有仁宗英宗陵東

青龍北下為鞏縣治治西北為龍尾山

隋書地理志鞏縣有天陵山

文選注岳天陵詩序曰岳屏居天陵東山下河陽詩注

按天陵山見隋志鞏山無有大於霍山者即天陵也且文選注人多讀為天陵之東山下如是則曰天陵山東足矣不必曰天陵東山下也蓋天陵分東西如今人分東青龍西青龍者然宜作天陵東山之下方合或疑天陵即今伏兒山以山東天龍坡為証不知天龍坡入汜水不得為據且西經賦注岳家在鞏縣東正當青龍東山下伏兒在鞏東南三十餘里盤亘半在汜水岳故居安得在其東

霍山西南五里曰嬰梁山

山海經講山北三十里曰嬰梁之山上多蒼玉鏤于

元石郭注言蒼玉依黑石而生也鏤于樂器形似椎

鞏縣志 第一册 卷之四 山川 三

頃

施府志嬰梁在講山北今山東與牛山中夾羅水水

山峽處謂之羅口

霍山西北十五里抵洛水曰黑石山

方輿紀要黑石山在鞏縣西南二十五里下為洛水

津濟處隋末王世充與李密相持世充夜渡洛水營

於黑石明日分兵守營自將精兵陳於洛北李密渡

洛逆戰而敗復渡洛趨黑石世充還為密所敗

霍山東北二十里曰龍尾山

方輿紀要青龍山尾接洛水者曰龍尾山在鞏縣西

按聽尾繞縣西南特起一峯色類紫金曰紫雲山
嶺東又一峯曰虎頭山順治初邑令吳三亡其
頭為南
梅山

霍山東北三十里曰伏兒山

舊縣志伏兒山在縣東南三十里

按伏兒無古名以縣志補之至光武左夫人士器
附會不見漢紀宜刪之

伏兒西北五里曰侯山

界隱碑記漢王元奕隱於侯山景帝每徵不屈遂就

山封侯因以為名宋亮詩王奕咩隱侯 盧元明侯

山記漢有王元者隱於此山 名勝志侯山在鞏縣

東附二十五里漢有王彥者隱於此山就而封侯至

今指所居為王彥嶼志謂之王亥山 施府志元奕

彥亥傳寫字譌耳至盧元明又以侯山為緱山于封

侯名山義不合 按侯山西北有青堆山其
山四時蒼翠故名見舊志

侯山北橫抵成皋三十里曰橫嶺

方輿紀要橫嶺鞏縣東四十里接汜水界李密據興

洛倉隋遣東都兵討之 按綱目劉長恭討步騎二萬
于討密陳於石子河

又使虎牢鎮將裴仁基自汜水西入以掩其後密分

兵伏橫嶺以待仁基 按綱目密選驍勇分為十隊六
隊陳於石子河四隊伏嶺下嶺

下即橫嶺下也 仁基失期不進屯於百花谷

按橫嶺雖非高山大阜東西橫地如長虹自肇至
汜長三十里北多山凹李密伏兵處即此西南有
崎嶇道通成皋道旁為百花谷絕壑深澗亦險要
之地

浮戲東迤北二十里曰石城山山半以北又曰趙封山

水經注石城水出石城山其山複澗重嶺歛疊若城

山頂泉流瀑布懸瀉下有溫泉泉流洩注邊有數十

石畦畦有野蔬巖側石窟數口隱跡存焉而不知誰

所經始也又東北流入於汜水 施府志鞏東有老

廟山即石城山

李通志趙封山在鞏縣東南宋種茶於此封固其

故名

鞏縣志

第一册

卷之四 山川

平

按石城趙封本一山也石城南半皆石巘峭壁不
可種茶趙所封者在小龍池一天門外北麓
餘里皆沃土宜茶今石碑尚存即茶樹猶有生
土人採之曰趙家茶山口一村落名茶店據此
石城山半以北為趙封而道元所
謂石畦石窟皆傍水繞趙封也

鞏北山

鞏北山接偃師界至鞏縣故城東北曰小平山

崖邱

張平子東京賦王鮪岫居薛綜注山有穴曰岫

魚名居山穴中長老言王鮪之魚由南方來出此

甲八河水見日日眩浮水上流行七八十里釣人

之收之以蘇天... 河南小平山

按郡國志小平城漢縣廢址在今鞏縣西北有河
津曰小平津所謂小平山者當以故城得名

水經注鞏縣北有山臨城謂之崆嶺即其下有穴謂

之鞏穴言潛通淮浦北達於河在穴有渚謂之鮪渚

爾雅邢疏河南鞏縣東北崖二山腹有穴舊注云此

穴與江湖通鮪從此穴而來北入河西上龍門入漆

沮 方輿紀要崆嶺即在今鞏縣西北三十里

按文選薛注水經酈注言王鮪穴居相類則小平
崆嶺宜為一山據爾雅疏二山腹有穴似鞏穴在
二山之間不得以崆嶺即小平山為一山不知爾
雅疏本作東北崖二山腹有穴古文二作下乃崖
下山腹也蓋鞏故城在山上故目山穴為崖下而
穴復入山腹中若作二山解不唯崖字無着而亦
無二山同腹之理

鞏縣志 第一册 卷之四 山川 聖

又按爾雅疏以為鞏東北指故城而言也方輿紀
要以為鞏西北指今縣治而言也

小平山東北十五里曰大力山

石窟寺石刻宋西京鞏縣大力山淨土寺又金鞏縣

大力山石窟十方淨土禪師

大力山東迤北五里抵洛汭曰神尾山

方輿紀要神尾山在鞏縣北宋元豐初都水丞范子

淵議引洛入汭處 施府志神尾山為却山盡處曰

神尾者神都山之尾也

按却山入鞏東西僅三十餘里隨地異名得三山
焉 又按古尺短於今尺古尺當今尺六寸古六
尺為步今五尺為步古三百步為里今二百六十
步為里以古準今則古百里當今六十里志中紀

山里數俱以今里計前嬰梁山引山海經謂山北三十里曰嬰梁之山今以嬰梁屬霍山下與諸山中隔雜水相去不及二十里與古三十里正合附紀於此

河水

河水東過孟津入鞏縣界為小平津

名勝志即國志云小平城漢縣廢址在今鞏縣西北有河津曰小平津即城之隅也 施府志小平城在

平陰東北平陰在孟津縣故方輿紀要以小平城屬

孟津不知小平平陰本非一地平陰故城在今孟津

鞏孟接壤故小平城遂入鞏縣

按今鞏西北裴峪渡即小平津以裴平音近而訛見府志古蹟

鞏縣志

第一冊

卷之四

山川

三

又東過鞏縣故城北右得鮪水

水經注鞏縣北有山臨城謂之峯嶽即其下有穴謂

之鞏穴潛通淮浦北達於河植穴有渚謂之鮪渚故

河自鮪穴以上又兼鮪稱呂氏春秋稱武王伐紂至

鮪水紂使膠鬲候周師即此 施府志鮪渚今已湮

塞而河水舊兼鮪水之稱故著之

又東為五社津

方輿紀要五社津在鞏縣北五里大河東過鞏謂之

鞏河有五社津更始將朱鮪守洛陽遣兵渡鞏河攻

溫又建武初遣將鞏耿弇等軍五社津而使吳漢等

因洛陽是也

又東過神尾山洛水自西南來東北流注之謂之洛汭

水經注洛水於鞏縣東洛汭北對琅邪渚入於河謂

之洛口自縣西來而北流注河清濁異流繳焉殊別

程大昌書譜洛既北入河河之南洛之北兩間為汭

汭之為言在洛水之內也渭水入河之間亦名渭汭

正其義也又洛水成皋西入河謂之洛汭即什谷也

明史地理志洛水舊經鞏縣北入河謂之洛汭亦曰

洛口嘉靖後東過汜水縣入河

施府志明史謂洛水過汜水縣入河者嘉靖後大河

鞏縣志

第一冊 卷之四 山川

三

北徙去洛口遠故洛水又東流乃入河今大河復南

徙洛水入河處在鞏東北界

又東過洛口柳泉水自柳橋出北流注之

李通志柳橋在鞏縣東 **舊志**柳泉在金溝正南

按柳泉水即洛口東金溝村所出之水也以泉畔多柳得名泉在金溝南五里許有村曰柳源村

又東過成皋入汜水界石城水合汜北流注之

按石城水俗名玉仙河流二十餘里入汜水界北流至成皋東入河故於汜界終記之

洛水

洛水東過偃師縣城南與鞏縣分水休水北流注之

水經注休水導於少室山西流經穴山南曰休水

望山水合水出少室北流注休水休水出
會南谿水發大穴南山北流入休水休水又西南北
屈潛流地下其故瀆北屈出峽謂之大穴口北歷驪
釜堆東蓋以物象名矣又東屈零星隴水流潛通重
源又發側隸氏原開山圖謂之隸氏山休水又逕延
壽城南隸氏縣治故滑贊休水又西轉北屈逕其城
西又北流注於洛水

施府志鄜注謂休水導源少室逕穴山南穴山者今
黃鹿崗也休水又左會南谿水發大穴南山大穴南
山者今偃師夾溝南山也至謂潛流地下故瀆出峽

登縣志

第一册 卷之四 山川

四

歷覆釜堆東屈零星隴水流潛通重源又發今亦不
然蓋澗底多鑿隙水流時有斷續道元據爾時所以
言之非休水有重源也

又東歷鄜中

水經注洛水東北歷鄜中水南謂之南鄜亦曰上鄜
逕警城西司馬彪所謂警聚也鞏洛渡水有鄜谷水
源入洛謂之下鄜亦謂之北鄜又有鄜城蓋周大夫
鄜盼之舊邑 施府志上鄜今羅庄以鄜盼子羅得
名也下鄜今孫家灣即鄜灣南北夾岸實一地今上
鄜隸鞏下鄜隸偃師

今羅漢寺水也其曰西北流白桐澗水注之水出焉
澗桐谿者則今車園水也於白桐澗水又曰北流逕
九山東又北九山東谿水入焉水出百稱東谷者則
今垣嶺水也九山東谿入白桐澗水在牛山西白馬
谿水在牛首山東南蒲泚水在講山北皆在羅水西
南而羅水東北則青龍山自浮戲逆轉西北盤亘數
十里故羅水西北流乃入於洛

又東明谿泉水北流注之

水經注洛水又東明樂泉注之水出南原下五泉並
導故世謂之五道泉即古明谿泉也

澤州志

第一冊

卷之四

山川

巽

秦隸大事表賈辛軍於谿泉杜注鞏縣西南有明谿
泉

施府志明谿泉即蒨柴務水程明道提舉西京符水
務誓之蒨柴務亦屬西京也有數泉並導南原下側
洛水注之

又東北爲黑石渡

明史地理志鞏縣西南有黑石渡 **方輿紀要**黑石

渡在鞏縣西南二十五里下爲洛水津渡處隋水王
世充與李密相持克夜渡洛水營於黑石

又東北黃水自東南來西流注之

又東魏氏河北流注之

〔縣志〕魏氏河在縣東三里流入於洛

又東飲馬溝水自南來北流注之

〔方輿紀要〕飲馬溝在鞏縣東七里呂布軍虎牢飲馬於此

按飲馬溝水出西橫嶺下經魯村西北流入於洛方輿紀要以爲在鞏東七里即今七里舖西溝水也地猶名飲馬溝

又東爲神堤渡

〔李通志〕神提渡在鞏縣東北

又東任村水自南來北流注之

鞏縣志

第一册 卷之四 山川

巽

〔方輿紀要〕元豐初范子淵議引洛入汴遣宋用臣等相視興役自任村沙口至河陰縣瓦亭子達汴口接運河長五十一里兩岸爲堤長一百三里

按任村今名任村溝其水即府志所謂任村溝水也

又東北流入於河

〔水經〕洛水北入於河又東北流於河〔注〕山海經洛

水成臯西入河是也謂之洛汭即什谷也張儀說秦

曰下兵三川塞什谷之口謂此也黃帝東巡河過洛

修壇沉璧受龍圖於河龜書於洛赤文綠字堯帝又

修壇河洛擇良議沉榮光出河休氣四塞元龜負

青甲赤文成字遂禪于舜舜又習堯祀沉書於汜我
赤光起元龜負書至於穆下榮光休至黃龍卷甲舒
圖壇畔赤文綠錯以授舜舜以禪禹殷湯東觀於洛
習禮堯壇降璧三沉榮光不起黃魚雙躍出潛於壇
黑鳥以浴隨魚以上化為黑玉赤勒之書黑龜赤文
之題也故春秋說題辭曰河以通乾出天苞洛以流
瓜吐地符王者沉禮焉又洛水自縣西來而北流注
河清濁異流曠焉殊別 施府志水經於洛水再言
入河似重出及丹下洛口見大河於上流分一枝與
洛為迎合流東下乃入大河知古人紀載不虛也至

鞏縣志

第一冊

卷之四 山川

五

道元於河洛記圖書者凡三於和山九水曰堯率舜
并於首山而導河渚有五老遊焉相謂河圖將來告
帝期知我者重瞳也五老乃翻為流星而并於鼎今
孟津碩圖河是也於伊洛之交曰黃帝燕五牲醮大
魚始得圖書今洛偃界伊入洛處是也於洛汭記堯
壇歷叙黃帝堯舜受圖之事是圖書同出於洛口也

按府志以水經兩言入河謂舟下洛口見大河於
上流分一枝與洛為迎合流東下乃入大河知古
人紀載不虛但分支或不常有謂洛入河清濁異
流曠焉殊別嘗登什谷南山望洛入河處循河東
流一線清瑩至洛口東始與黃河相交然則水經
注所謂北入河者洛水始入河之口清濁未交雖
入猶未入也又東北流入河者洛水循河東流至
洛口東與黃水相交處也○又按

